

felle parmy les Sauvages de nostre cognoissance, que ie ne sçay si aucun en a euté les atteintes. Tous ces pauvres gents en ont esté fort incommodez, notamment pendant l'Automne, tant en leurs pesches qu'en leurs moissons. Plusieurs bleds font demeurez sous les neiges, grand nombre de personnes font mortes; il y en a encore à present qui ne font pas gueris. Cette maladie commençoit par des ardeurs violentes, qui estoient fuiuies d'une espece de rougeolle, ou petite verolle, differente [135] toutesfois de celle de Frâce, accompagnée en plusieurs d'aveuglement pour quelques iours, ou obscurcissement de veuë, & en fin se terminoit en un flux de ventre, qui en a conduit plusieurs, & en conduit encore quelques-vns au tombeau.

Parmy ces peines & dangers, nous auons de grandes obligations à la prouidence & bonté paternelle de nostre Seigneur: car ny par les chemins, ny dedans le Pays, pas un de nous n'a esté pris de ce mal, ny cédé à la faim, ou perdu l'appetit. Quelques-vns ont eu du depuis quelque legere atteinte de maladie, mais cela s'est passé en peu de iours. Nostre Seigneur soit loué à iamais, & la tres-immaculée Vierge, avec son tres-chaste Espoux, de cette singuliere faueur, qui nous a beaucoup aidé pour authoriser nostre Foy parmy ces Peuples.

[136] L'arriué aux Hurons le cinquiesme d'Aoust, iour de nostre Dame des Neiges; ayant demeuré trente iours par les chemins, en continuel trauail, excepté un iour de repos que nous prîmes au pays des Biffiriniens. Tous les autres, excepté Robert le Coq & Dominique, demeurèrent bien dauantage, quoy que d'ordinaire le voyage ne soit que de 20. iours ou environ. Je pris terre au port du village de Toanché